

مشروع الحكواتيات

ورشة المعارف

الحكواتية: نازك سابا يارد

التاريخ: ١١ أيار ٢٠١٧

رقم الأرشيف: 17-PS:001

نوع الأرشيف: للاستخدام العام

ورشة المعارف

بناية أنطوان فرح، الطابق ٣

شارع المنتزه، فرن الشباك

بيروت، لبنان

السلسلة/الموضوع الرئيسي	حكواتيات: المجال العام
رقم الأرشيف	17-PS-001
نوع الأرشيف	عام (لا حاجة لإذن خاص)
الحكواتية	نازك سابا يارد
تاريخ ميلاد الحكواتية	١٩٢٨
تاريخ ومكان المقابلة	١٢ أيار ٢٠١٧، برمانا
ملخص التاريخ الشفوي	تسرد نازك سابا يارد قصة ولادتها في القدس ودراساتها في القاهرة وذهابها الى لبنان وعملها في التعليم بالإضافة الى كتاباتها المتنوعة. وتسرد قصص من حياتها، من ضمنها زواجها، وسجنها لأسبوعين بسبب مشاركتها بمظاهرات لحقوق النساء وخطفها أثناء الحرب
معلومات عن الباحثة	ديمة فاندبييه هي من مؤسسات ورشة المعارف ومديرة مشروع الحكواتيات- حائزة على الدكتوراه في دراسات النساء والجنس والجنسانية من جامعة ولاية اوهايو
التفريغ	هند يونس
الترجمة	
الكلمات الدلالية	القدس- مدرسة الألمان- فلسطين- القاهرة- جامعة الملك فؤاد- بيروت- بشامون- تعليم- اللغة العربية-مهرجانات بعلبك- أقبليات دينية- مظاهرات- سجن- باحثات- حرب- خطف- تكريم- كاتبات

Rights of Ownership for the Storytellers Project

The Knowledge Workshop holds full or co-ownership of all items that it archives and publishes. Recordings published on the Knowledge Workshop website can be used only for cultural, educational and non-profit purposes, and never for commercial purposes. To use the material on our website, including oral histories and their related images, but we ask that you always reference the Knowledge Workshop with: Storytellers's name, interviewed by Researcher, Date, The Storytellers Project, the Knowledge Workshop, Beirut, Lebanon, page number. [Ex. Nazik Saba Yared, interviewed by Deema Kaedbey, 2017, The Storytellers Project, the Knowledge Workshop, Beirut, Lebanon, pp 12.] To use the items held within the Knowledge Workshop, you can come to our office in Furn El Chebbak and fill out a permission form. You can use these items inside the Knowledge Workshop space, but we request that you consult with us on which items you can use. Some of these items require permission from the storytellers before being used.

حقوق ملكية لمشروع الحكواتيات

لورشة المعارف ملكية تامة أو مشتركة للمواد التي تؤرشفها وتنشرها. التاريخ الشفوي المنشور على الصفحة الالكترونية لورشة المعارف يمكن استعمالها فقط لأهداف ثقافية وتثقيفية لا تبغى الربح، ولا يمكن استعمالها لأهداف تجارية تبغى الربح. لاستعمال المواد على صفحتنا الالكترونية، من ضمنها التاريخ الشفوي والصور المرافقة نطلب منكم التنويه بورشة المعارف كمرجع باستعمال: اسم الحكواتية، قابلتها اسم الباحثة، السنة، مشروع الحكواتيات، ورشة المعارف، بيروت، لبنان، الصفحة. [مثلاً: نازك سابا يارد، قابلتها ديمة قائدبيه، ٢٠١٧، مشروع الحكواتيات، ورشة المعارف، بيروت، لبنان، ص. ١٢]

لإستعمال المواد الموجودة في ورشة المعارف (الغير متاحة على صفحتنا)، يمكنكم القدوم الى مكتبنا في فرن الشباك وتعبئة استمارة الطلب. يمكنكم استعمال هذه الموارد داخل ورشة المعارف، لكن نسألكم ان تستشيرونا عن أي مواد يمكنكم استعمالها. بعض هذه المواد تتطلب طلب من الحكواتيات قبل استعمالها.

ديما: اليوم 22 أيار، انا ببيت الدكتورة نازك سابا يارد ببيروت، عم اعمل مقابلة معها، الساعة 10:40، فينا نبلس المقابلة. اسمك، واختصاصك، وتاريخ ومكان ولادتك؟

00:00:22- ن.س.ي: انا نازك سابا يارد، انا نازك اسكندر سابا اصلاً، وزوجي يارد. خلقت بالقدس، من اب فلسطيني، وام لبنانية. امي من بيت المعلوف المشهورين بالادب (ضحكت)، يمكن ورثت منها هالشي. وبقيت بالقدس لحد عمري 16 سنة، لانه كنت بالاول بمدرسة المانية، وانا زغيري، وبعدين وقت ما علقت الحرب العالمية الثانية، سكرّوا مدرسة الالمان لانه فلسطين كانت تحت الانتداب عمري 89 سنة (ضحكت). فوقت ما علقت الحرب العالمية الثانية، سكرّوا مدرسة الالمان لانه فلسطين كانت تحت الانتداب البريطاني. قعدنا سنة بالبيت لتتعلم لغة غير الالمان، وعربي وانكليزي، وبعدين فوتني بيبي على مدرسة راهبات، سان جوزف دو لا باريسيون. ومن وقتها حلفت بيمين لولادي مضطرين ما بفوتن على مدارس دينية، (ضحكت). على كل حال خلصنا، فنتت على فرع الانكليزي واخذت (غير واضح 1:45) ماتريكيولاشن matriculation. وبعدين كان عندي دايمًا طموح كفي دراستي الجامعية، ولكن بيبي كان متقاعد وما عنده امكانية مادية بيعتني على AUB مثل ما كان كل الفلسطينية يجو. بس لحسن الحظ كان صديق لاحمد سامح الخالدي، اللي هو ابوه لطريف الخالدي، ووليد الخالدي، ف bref (بالمختصر) كان اجتوا من جامعة القاهرة، كانت جامعة فؤاد الاول سابقا منحة لبنتين، فلسطينيات، وحدة مسيحية وحدة مسلمة، اختارني انا كمسيحية والمسلمة يسرى البربري من غزة، لولا هالمنحة ما قدرت كفي الجامعة، رححت على القاهرة وانا كنت بدي فوت ادب عربي، بس (ضحكت) فنتت بالاول على قسم الادب العربي لاقيت انه كلن از هريين متزمتين، وانا جاي من بيبة مفتحة. حرة. انا ضربت على راسي، دغري انا حولت على قسم الفلسفة، فكفيت بقسم الفلسفة لاخذت الليسانس. وانا هنك تعرفت على زوجي ابراهيم اليارد يلى هو لبناني، بس انا كنت هنك بـ بال (passport جواز سفر) الفلسطيني غير صالح لانه صارت حرب الـ 48. وتركو الانكليز اسرائيل، فلسطين سابقاً، وصفت بـ باسبور غير صالح وما قادرة روح وإجي. فايراهيم كانوا بدو يجي على لبنان وتزوج هون. كان وقتها مفتي القدس بالقاهرة، قلت له طيب شو بعمل؟ ما قدر يعمل شي، قالوا لي هنك بالداخلية. جيب ورقة انك انت راجعة تعلمي بالقاهرة بيعطوكي laissez passer مؤقت. اخذتها وانا ماني راجعة بس هيدي المرة الوحيدة اللي اضطريت اكدب بحياتي (ضحكت). فاخذتها وجينا على لبنان وتزوجنا هون، وبقيت هون. وبالاول علمت بمدرسة اميركانية ولكن لاني كنت عم اتظاهر لحقوق المرأة شحطوني، ما شحطوني ما جدولي الـ contract (القعد). بقى صرت فنتش على وظيفة تانية، بتعرفي وقتها أدركت قدي الفرنسي عقلت مفتوح. وقتها كانت رئيسة الكوليج بروتستانت، لويس فيكمان، بدها حدن يعلم عربي، قلتها ليكي انا مش متخصصة بالعربي بس كل دراستي الفلسفية عاملتها باللغة العربية. قال او كي، اخدتني ومن وقتها علمت 33 سنة بالكوليج، كانوا من اجمل سنوات حياتي. لحد هلق بنات وشباب كانوا تلاميذي، لانه بالاول كانت بس للبنات وقت ما قامت حرب الـ 75 دخلوا الصبيان. اصبحوا اصدقائي، بقى، بس بهل اثناء كنت عم حضر بنفس الوقت بالادب العربي، بدي الادب العربي (ضحكت). فنتت على AUB واعتبرولي الليسانس الفلسفة مثل electives وركزت على الادب العربي. عملت MA و PhD بالادب العربي بالـ AUB. وقت ما تخرجت بالادب العربي وبـ PhD، انا يمكن ما عندي شي منيح إلا التعليم، كنت معلمة كثير منيحة لاني بحب الولاد وبحب التعليم. وكنت علم صفوف بكالوريا. واحد من التلاميذ سمع عني عمه اتصل في وقال PhD مش محتاجين بالمدرسة نحن. وكانت بلشت حرب الـ 75 ومن LAU في كتار اضطروا يتركوا، تعلي علمي بـ LAU، قلت له ليك دكتور معلوف، انا هل الكوليج كثير عزيزة علي، ما بستسهل اترك، قال لي معقول، قلت له يعلم part time بالـ LAU و part time (دوام جزئي) بالكوليج وبنشوف، بقيت سنين part time هون و part time هون، بالآخر قال لي حاج بقى، راح شاف زوجي قاله عم تتعنج، قلت له وحياتك ما عم اتعجن ولكن انت ما بتعرف قديش انا مبسوطة بتعليم الكوليج وقدي حضنوني وشجعوني، بالآخر اضطريت اترك الكوليج وعلم full time بالـ LAU لانه ما عاد في معلمين كفاية، وبقيت بالـ LAU علم وهون صارت المشكلة، في كمان كتار من الاجانب تركوا وبدهم كمان حدا يعلم CS culture studies بالانكليزي، قلت لهم انا كثير منيحة بالانكليزي ما عندي مشكلة بقى مع الادب العربي كنت عم علم CS، كثير انبسطت بالـ CS لانه فتحت لي افاق حضارات وثقافات اللي لولاها ما كنت راح فوت تفاصيل فيها

ديما: مثل شو؟

00:07:51- ن.س.ي: مثل مثلات أتذكر هلق شو كنت عم علم، بتعرفي نسيت

ديما: مثل عن الحضارة المصرية مثلاً وهيك اشيا؟

00:08:09- ن.س.ي: (صمتت شوي) يا عيب الشوم عليك، يا عيب الشوم

ديما: (ضحكت)

00:08:15- ن.س.ي: (صمت) شو كان منهج ال هيدا،

ديما: انا تعلمت حضارات يونانية، وفلسفة وهيك بـ CS

00:08:45- ن.س.ي: انت درستي CS بالـ AUB؟

ديما: بالـ AUB

00:08:50- ن.س.ي: It was more or less the same thing. تقريبا نفس الشي

ديما: شوي الدين، theology شوي

00:08:55- ن.س.ي.: دين لأ، ولكن كان في definitely ancient Greek civilization وهو مر. وبقيت علم بالـ LAU لحد 1999. وبعد ما اخذت الـ PhD وكفيت التعليم بالـ LAU، صرنا لازم نتقاعد. هلق انا شغلي ما بقدر افهمها، وقت ما الواحد بكون ناجح ومتمكّن وعنده تجربة عمر بالتعليم، بس لانه بلغ سن التقاعد، بحطه على الرف، هيدي شغلة ما بقدر افهمها، هلق او كي مرات منخرّف (ضحكت)، بس ما كنت وقتها خرّفت ولا شي، بقي بس بقول لحسن الحظ انه بكتب، بهل اثناء كلها وانا عم علم، وعندي 3 ولاد، بعدين اهتمت كثير بالولاد بثقافتهم الموسيقية، يعني كنت اخدمهم على كونسرفتوار، تعلموا نظريات يعني سولفاج و theorie de la musique (نظريات الموسيقى)، وكلهم، وكانوا الـ 2 الكبار كانوا كمنجّة، وصغير violence، فكنت اخدمهم على كونسرفتوار ليخلصوا درسهم رجعهم على البيت. بقول لي مرات الام اللي بتشتغل ما بتهم بولادها، انا بقلهم وحياتكم ما بفتكر حدا اهتم بولاده قد ما انا اهتمت. وبعدين بالصيف اخدمهم علمتهم يسبحوا، كنا ساكنين ببئر حسن، وحد المدينة الرياضية، اخدمهم على المدينة الرياضية يتمرنوا على السباحة، يعني ما بفتكر انا قصرت بشي من هل ناحية، مع انا كنت عم اشتغل، وبنفس الوقت كنت عم اكتب. هلق هون ليه بلشت اكتب، جبران مسعود اللي علمت ولاده بالكوليج قال لي ليكي ليه ما بتكتبي لي، كان عنده دار نشر، كتب لها علاقة بالبيكالوريا، بما إنك عم تعلمي بالبيكالوريا. فكتبت كتاب عن احمد شوقي وعن ابن الرومي وعن الياض ابو شبكة، هودي اول كتاب، هو شجعني على انا اكتبهم، بكفي؟

ديما: ايه

00:11:31- ن.س.ي.: ولا خارج الموضوع

ديما: كفي اكيد، كنت بدي اسألك عن الكتابات، فايه

00:11:42- ن.س.ي.: بقي، بعدين افكرت انا كت عامله اطروحيات بـ PhD على شي كثير مهم، الصراع الفكري والحضاري بأدب الرحالة العرب

ديما: مين الرحالة يعني؟

00:12:02- ن.س.ي.: اللي رحلوا وكتبوا كتب عن رحلاتهم باوروبا. يعني كانت اول مواجهة لهم للحضارة الغربية. وهني هون، اخذت من لبنان وسوريا ومصر وتونس. بقي اخترت هلي كتبوا برحلتهم وشو كان كان موقفهم من الحضارة الغربية اللي فاجتتهم الى حد، وهالصراع، والكتاب كان كثير مهم. مؤسسة نوفل نشرته، وتُرجم للانكليزي بعدين Arab Travelers and Western Civilization بالانكليزي، وبالعربي "الرحالون العرب وحضارة الغرب". وهيدا اللي خلاني ارجع للبحث الادبي والنقد الفكري. كان عندي مجموعة دراسات عن شعراء معاصرين لآبو النواس، بس ما اشتروا، ما لهم دواوين، جمعت لهم شعرهم، كانوا حماد عجرد، والبه بن حباب، عبد الحميد اللاحي. جمعت لهم شعرهم، ودرسته ونقدته وصححته ونقحته ونشرته بكتاب "في فلك ابي النواس". بعدين حماد عجرد هيدا لحاله عملته كتاب صغير، لانه عندهم شعر بس مش كثير كثير، فحماد عجرد عملته لحاله. بس انا كل عمري حب الرويات، قلت يا بنت جربي بهل رواية، كتبت اول رواية، كان اسمها نقطة الدائرة، بس بدك لاقى حدا، الناشرين عرفوني كناقدة ما عرفوني كروائية، فكان مشكلة انه لاقى حدا ينشر لي رواية، بالاخر الله فتحها بوجي ونشر لي روايتي، وعجبت القراء

ديما: مين؟

00:14:25- ن.س.ي.: هلق انشرت وبعدين علقت الحرب 75، هلق انباع اللي انباع وبعدين اتدعى انه الباقيين كلن غرقوا بـ depot (مستودع) كان حاطتهم بالديوت، صحيح او كذب ما بعرف

ديما: مين هو كان الناشر، بتتذكري؟

00:14:43- ن.س.ي.: ما بحب اذكر اسامي. بعدين هيدا شجعني انطلق اكثر بكتاب الروايات، نسيت فلك انه كنت بعندي بالكوليج، الحكومة الفرنسية اعطتيني وسام Chevalier d'Ordre de Palmes Academiq، على شو؟ على خدمتي للثقافة الفرنسية، قلنهم يا عمي انا خدمت الثقافة العربية، مش على علمي الفرنسية (ضحكت). قال all the same (كلوا واحد). ودعوني على فرنسا لاستلم الهيدي، واستقبلوني بالشونزليزيه، رئيس الجمهورية، وقتها كان شي كثير مهم

ديما: مين كان رئيس الجمهورية

00:15:35- ن.س.ي.: مين وقتها كان رئيس الجمهورية؟ جيسكار دديستانغ؟ ما بعرف نسيت. بس هين واحد يعرف، لأنه

كانت سنة 79

ديما: لا. كنت عايشة ببشامون وقتها؟

ن.س.ي.: لا كنت عايشة براس بيروت، ومع هيدا كله صرت عضو بلجنة مهرجانات بعلبك

ديما: 1970 ما هيك؟

00:16:08- ن.س.ي.: ايه 1970

ديما: خبريني شوي عن كيف فتني على اللجنة، هني قالوا لك كوني معنا بالجمعية؟

00:16:19- ن.س.ي.: مهرجانات بعلبك؟ (ضحكت). عن طريق طلاب كانوا باللجنة وكانوا طلابي بالكوليج بروتستانت وبقيا حافظين عني ذكرى انا مش بس ادب عربي، انا ثقافتني اوسع من هيك، فاقترحوا عليّ، كان وقتها سعاد نجار، الله يرحمها، يا الله شو كنت حبها، اعز صديقة عندي بتعرفيها؟

ديما: هاه (لا)

00:16:58- ن.س.ي.: كانت مسؤولة هيّي عن المسرح العربي بالمهرجانات قفالوا لها عنا استاذة عربي كانت بالكوليج وهلق هي بالـ LAU، ويمكن تقدر تساعذك. فنت، اقترحوا اسمي وفتت على مهرجانات بعلبك، ومن قوتها صرت انا وسعاد النجار صرنا اعز الاصحاب ونشتغل سوا. وكان في عنا مسرح صغير على القنطاري. بالشتي وقت ما ما في مهرجانات بالصيف فوق، نعمل مسرحيات تحت. اما مرّات مسرح دمي للولاد، مرّات مسرحيات عربي، مرّات مسرحيات غير عربي. انا وسعاد كنا كثير مسؤولين عن هالمسرح الصغير ونشاطاته

ديما: شو صار هلق محل المسرح، شو في؟

00:17:53- ن.س.ي.: سوليدير (ضحكت) الله يرحمها، الله يرحم المسرح

ديما: فينا نفوت مثلاً أعمق. خبرتيني مثلاً انك خلقتي وعشتي بالقدس ما هيك؟ شو اول ذكرى لك من القدس؟

00:18:10- ن.س.ي.: اه. المحلات اللي كنا، لأنه بتعرفي القدس مدينة مقدسة، (ضحكت). مرة كنت مارقة بالمطار هون واللي عل باب اطلع بالباسوب، وقال لي انت خلقانة بالقدس، هيدي اقدس المدن المقدسة بالعالم، لكل الاديان، وقت ما يكون، انا كمسيحية كنا نروح نتابع حياة المسيح، محل ما عاش المسيح، يعني بتذكر كنا نروح يوم الجمعة العظيمة نعمل درس الصليب محل ما عمل المسيح، كنيسة القيامة محل ما اندفن المسيح وقام، يعني هيدي ذكرياتي عن القدس، المرتبطة بالمحلات الدينية من جهة، ومن جهة ثانية مرتبطة بالمدرسة الالمانية، اول مدرسة تعلمت فيها، لأنه كانت بحي (غير واضح الاسم) الالمان بتعرفي القدس مدينة صغيرة وما كان فيها كباريات، ما كان في شي، مدينة صغيرة والناس بتعرف بعضها وبسيطة الحياة، هيذا اللي بتذكروا اللي بحن له للقدس

ديما: شو هو اول بيت عشتي فيه بتذكره كيف كان شكله؟

00:19:42- ن.س.ي.: اول بيت كان بحي اسمه طالبية، بتذكر كان في بلكون كبير، بعدين، كنا مستأجرين، بعدين نقلنا على بيت ثاني بالبقعة التحتا، ما بتذكروا، ما كان كثير حلو، بعدين بيّي عمر بيت بالبقعة الفوقا، بيت بجينية كثير حلو، هيذا البيت بتذكروا لأنه قضيت فيه لحد ما تركت القدس، كان بيت كبير حجر، وحجر زهر وهيدا مميز ببيوت القدس، حجر زهر وحواليه جينية كبيرة وبركة فيها سمك وعنازيق للولاد، كثير كان حلو هيذا البيت

ديما: قلت لي جيتي من عيلة منفتحة، كيف بهيدك الوقت تكون العيلة منفتحة؟

00:19:59- ن.س.ي.: يعني بتذكر انه بيّي، اصحابنا بالبيت، يهود لأ، بس كانوا مسلمين ومسيحيين ما في تفرقة ابدأ، ابدأ، والبرهان انه احمد سامح الخالدي هو اللي اختارني لروح على القاهرة، كان ما في اي نوع من التعصب الديني والتفرقة الدينية ابدأ بين العرب، سواء كانوا مسيحية او مسلمين، بس اليهود ابدأ

ديما: من ناحية جندرية مثلاً كان فيكم تضهروا من البيت؟

00:21:13- ن.س.ي.: شوفي هلق بقول في شغلة، اللي انا مدينة فيها لليهود بالقدس، معظمهم لما قام هتلر سنة 39 وكثار منهم اجوا على القدس، وعملوا هنيك اوركسترا، لحد هلق من احسن الاوركسترات بالعالم، وبفضل هل اوركسترا كانوا الـ WMCA يعملوا concert (حفلات) ببلاش، فهنيك حضرت كل هل الموسيقى الكلاسيكية وفتحوا لي عيوني على الموسيقى الكلاسيكية، هيذا كان شي كثير حلو بالقدس، بس غير هيك ما عندي اي صلة باليهود

ديما: كيف كانت علاقتك باهلك، كنتي عايشة مع اهلك، كان عنك اخوة واخوات؟

00:22:02- ن.س.ي.: ايه، عندي اختين واخ، انا الكبيرة في هدى ومنى وبعدين فريد، واخي بما انه صبي بعد 3 بنات، يا لطيف

ديما: يعني كان في تفرقة جندر من هيدي الناحية يعني

00:22:19- ن.س.ي.: ايه ولأ، مثلاً لاني كنت شاطرة، كان بيّي كثير يحبني ويشجعني الخ، بس اخي كان منزوع وكسلان، وصل لدرجة انه بدهم يشحطوه من المدرسة، قال بيّي بسيطة منحطه عند نجار وانا بلشت ابكي، بابا كيف يعني نحنا منتعلم وبتحطه إله صبي نجار، بالآخر طبعا كان تهديد لآخي، بس غير هيك انا ما حسيت بتفرقة جندرية ابدأ، يعني ربونا اهلي، امي وبيّي ربونا مثلنا مثل الصبي وما بعمرهم بخلوا علينا بعلم او بكتب او باي شي، 00:23:19- ن.س.ي.: يمكن لأنه الاما قبل ما تنزوج كانت تشتغل هون، لأنه الاما كبيرة اخوتها وابوهم توفي وكانت هي مثل مسؤولة شوي عن تعليمهم ومدارسهم الخ، فلان الاما بتشتغل فيفتكر ما فرقت بين الصبي والبنات لأنه هي كانت رجال العيلة، يمكن هيذا كان من حسن حظي، ونفس الشي عملت مع ولادي. هلق عندي صبيين وبنات، (ضحكت) البنات اخو الرجال مثلما منقول. وما بحس لا انا رببت بتفرقة ولا فرقت بين ولادي، نفس الشي.

ديما: وامك كيف اجت على فلسطين وتعرفت علي بيك؟

00:24:02- ن.س.ي.: ايه، هلق عمومتي كانوا عم يتعلموا بالجامعة الاميركية، وخالتي كانوا طبعا (غير واضح 24:12) وماما ببيروت. خالتي ما بعرف بأية طريق تعرفوا على عمومتي وتزوجوا. الاما كانت اكبر، وكانت مخطوبة لواحد عراقي. ما بعرف كيف تعرفت علي بيّي، وفكت خطبة العراقي وتزوجت بيّي، لحسن الحظ (ضحكت). ما بعرف، يعني العراقي ما بعرف شي عنه. بس بعرف هيدي لأن من اسواره ذهب بالمينا، اعطيتي اياها ماما، قالت لي لما فكيت الخطبة رجعت للخطيب كل الهديا، قال لي لأ احتفظي بهل اسواره تذكاري، وبعدين راحت بكل صيغتي بالبنك (ضحكت)، لأنه من—تقلّب صفحة السيرة الذاتية الـ CV). 00:25:11-- ايه بقي، وصلنا لوين ما كنت "الرحالون العرب وبعدين كنت، بعدين— كان مؤسسة نوفل، كان في سنة جبران، كان في مئوية تبع جبران، وعم يطبعوا كل كتب جبران العربية والمعربة وبدهم طلبوا مني اكتب لهم مقدمات نقد وتحليل. وهيدي شهرتني، بحياتوا ما حدا كان سامع بنازك سابا يارد قبل ما تطلع مقدمات

مؤلفات جبران خليل جبران. وبما اني بحب ابن الرومي جمّعت له كل ما قاله في الهجاء، انتي بتعرفي هجاء ابن الرومي؟

رائع

ديما: ايه

00:25:57- ن.س.ي.: خصوصي الهجاء الساخر، في كتاب طلع كمان دار الساقى، كل ما قاله بان الرومي في الهجاء، بعدين قلت لك عن الثلاثة اللي جمعتهم بكتاب، بعدين في هلق هون كنت صرت بالباحثات وكان مفروض انه نعمل كتب. فانا اشتريت مع نهى بيومي، في كتاب عن الكاتبات اللبنانيات. جمّعا كل ما نعرفه او كل ما نُشر عن كاتبات لبنانيات من نص القرن التاسع عشر 1850 لـ 1950. وبعدين دار الساقى اللي ترجموا لي "الرحالون العرب" قالوا لي اكتبنا لنا شي عن العلمنة Secularism in the Arab World بس بالانكليزي، كتبتنا Secularism in the Arab World طلع عن دار الساقى، بعدين شافوا انه بكتب بالانكليزي، وكان في، ما بعرف بتعرفي انت الفنان محمد الرواس؟ تشوف هيدي اللي وراي لمحمد (تشير الى لوحة على الحائط وراءها)، ايه هيدي وحدة منهم، بدن يكتبوا شي عن محمد الرواس، قلّنتهم يا عمي انا مني ناقدة فنية قال بدهم بعرفوا شي عنه،

ديما: هو لبناني؟

00:27:29- ن.س.ي.: لبناني، بقى عملت سلسلة مقابلات مع محمد. رحنت على بيته، ونسجلهم واجي هون وفرغ التسجيل وبالاخر، انطبع الكتاب The Art of Rawwas كثير حلو، وهيدا طلع 2004. بعد منها في فنان لبناني تاني، شوقي شمعون راح لدار الساقى، قلّهم، انا كمان بدي اعمل كتاب عني وعن فني، مين بتقتروا (ضحكت)؟ مين بتقتروا، قال له ما في غير نازك سابا يارد. هي اللي عملت عن محمد الرواس. عملت كتاب تاني عن شوقي شمعون، the art of life at chaouki chamoun طلع عن saqi books بلندن سنة 2013. هيدي فيما يتعلّق بالنقد. هلق برجع للرواية، اللي كانت دايمًا هويتي، اول وحدة نقطة الدائرة بعدين صرت اكتب روايات تانية-- عندك ياهم الليسته (اللائحة) مش ضروري اذكرهم كلهم، في منهم ترجموا للانكليزي، هيدي مثلا "تفاسيم على وتر ضائع" اللي هو عن الصراع الحضاري، الانتماء والصراع الحضاري، لانه انا عربية، مسيحية، وكل الناس بيقروا بالعروبة بالاسلام. ولك يا عمي قبل مايجي الاسلام كان في مسيحية عرب، اعتبروني بليز (ضحكت) انا عربية بس مسيحية، بس ما فرقانة معي المسيحية بس انا عربية. بقى عن هالمشكلة كتبت Improvisation on a Missing String، لأ "تفاسيم على وتر ضائع" وتُرجم للانكليزي واخذ جائزة. بقا اللي ترجمها قلّنته هيدا شي خاص فيني، قالي بس it's a very common problem all over, where people are a minority, they have that conflict of a minority نذكرها

ديما: ليه كتبتني للاحداث؟

00:29:58- ن.س.ي.: لاحظت كل الولاد بيقروا روايات يا انكليزي يا فرنسي، يا عمي له ما بيقروا بالعربي وجيت شوف شو مكتوب بالعربي، يا اما زغار زغار، بس 11-12-13 سنة، يا اما وعظ، وانا اكره عليّ الوعظ او عن الضيعة، طيب خلصنا من الضيعة، ¼ اهل الضيعة عايشين ببيروت، قلت يا بنت جربي اكتبني شي، كتبت، قبل ما اكتب للاحداث. كنت كاتبة انا زمان، سوليدير طلبوا مين لما بشلوا يعمرؤا ببيروت، انه اكتب شي عن بيروت اللي بعرفوا قبل ما تتهدم، كتبت كتبت صغير، بيروت هل نعرفها، شو حلو هالكتاب، خلصت طبعته، وبدي ارجع، مش انا هيدي سوليدير، وما بعرف هلق سوليدير، سوليدير وقتها كان بدهم يروجوا لسوليدير طبعوه، على كل حال، هلق بورجيكى ايه، شو حلو، فادية جحا هلق بتقلي رجعي كتبي (ضحكت). كتبت في ظل القلعة عن جبيل لانه حظيت بفكري خلي هالولاد، الناشئين يعرفوا شي عن بلدهم، في كثير ما بعرفوا، كتبت والمخطوطة اعطيتها لثلاث ولاد، قلت ما عندي خبرة احكي مع ولاد، 2 قالوا لي حلوة القصة، الثالثة قالت لي ما اعجبني وما لم يعجبني، اخذت ما لم يعجبني وغيرته وعملته واخذ جائزة، تشجعت وكتب بعيدا عن ظل القلعة، بين دير القمر وصيدا، لانه جربت اخذ مناطق يلي فيها اختلاط، مش بس مسيحية او اسلام او دروز، لأ فيها كل شي، بقى جبيل فيها كل شي، في جامع هنك، بتعرفي جبيل؟

ديما: ايه بعرف كيف مختلطة يعني؟

00:32:19- ن.س.ي.: دير القمر مسيحية، صيدا مسلمين، اخذت كمل المغامرات، وكان يهمني يكون في مغامرات مش وعظ ابدأ، بس مغامرات وشوية معلومات تاريخية، كما اخذت جائزة (ضحكت) بعدين، قلت خالينا نحكي عن بيروت، كتبت عن بيروت، اللي بعرفها كثير كثير منيح. كاتبة وحدة تانية وبعثها للناشر، ما سمعت منه اخدها او ما اخدها بدي تلفن له بركي ميت (ضحكت) شو بعرفني، لانه هودي الكتب ميشوا اكثر من اي كتاب تاني لانه المدارس بتطلبهم، مبارح رحنت على المكتبة، لانه انا بدي ما عندي نسخ منهم لاعطيها للناس، قال عم احكيهم وما عم يردوا قلت له بكرًا بجرب من البيت، قال عندي لائحة طويلة عريضة طالبتهم، وما عم يردوا، بقى هيدي ليش بلست اكتب للاحداث، هيدا السبب

ديما: كتبتني مذكراتك ما هيك؟

00:33:47- ن.س.ي.: كتبت مذكراتي، شو سميتها انا، "ذكريات لم تكتمل" هيدي كما خلصت طبعته وقلت لهم لدار النشر بترجعوا تطبعوه قال لأ، طيب بتخلوني اطبعه وين ما كان قال ايه، هلق عم شوف، بس صعب الناشر يطبع كتاب ناشره غيره، ما جربت بس مترددة بلكي بتلفن وبسأل

ديما: ليه كان بدك تكتبي مذكراتك؟

00:34:33- ن.س.ي.: ليه كتبتنها؟ لانه حسيت انه حياتي فيها اشيا، وكثير عجبت ناس والبرهان انه خلصت الطبعة، مثلا فيها (غير واضح 34:54) فلسطين، ضاعت فلسطين، بعدين الانتقال الى القاهرة، دراستي بالقاهرة، بعدين جيت على لبنان، والغريب انه بكل بلد يهل البلدان ما حس انه غريبة لانه اللغة، انا بعشق اللغة العربية، كانت اللغة الرابط بين فلسطين ومصر ولبنان، وانا بحب السفر، مرة كنت بالمغرب، وبدي فوت على جامع ولايسة هيك وغطيت راسي، قال لي no no french (لا لا فرنسية) قلت له يا عمي انا عربية من لبنان، قال لي اهلا بالاخت المسلمة، فوتني، لانه عربية صرت مسلمة، هيدي الاشيا نيهنتني لاهمية، ليه ليه ما في مسيحية قبل الاسلام، هيدا اللي خلاني اكتب عن حياتي انه حسيت في اشيا بسيرتي، غيري ما عاشها، انا عشتها بسبب تنقلاتي، بسبب انتمائاتي، بعدين كنت، اتظاهرت، رحت على الحبس وانحبست (ضحكت)

ديما: هلق راح اسالك عنهم بس كما اهلك انحبسوا؟

00:36:14- ن.س.ي.: اعتقلوهم اليهود

ديما: عندك مانع نحكي عنهم؟

00:36:18- ن.س.ي.: لما صارت حرب 48، بيبي وامي واختي واخي بقبوا بالقدس وكل العرب تركوا. بيبي يقلهم لا تتركوا بتطير البلد. بيبي كان كثير وطني، بتطير البلد. لا تتركوا. فاعتقلوهم اليهود، حطوهم بمعتقل ما بعرف قديه، بس وقت ما اخرجوهم من المعتقل بيبي مات بسكتة قلبية، لانه هلق ما بعرق وين مدفون ولا، ساعتها امي يلي هي لبنانية اجت هي واختي واخي، لا اختي الثانية هدى راحت على اميركا تكفي دراستها، وهي ومنى وفريد اجوا لهون

ديما: عاشوا معك او حدك؟

00:37:09- ن.س.ي.: لا لانه كنت تزوجت، كنت تزوجت. ماما استأجرت بيت بنزلة الحمام العسكري، وقعدوا مع الماما بعدين منى تزوجت وفريد خبيي فريد (ضحكت) ما كان عنده شهادة قعدنا انا وابراهيم (نعمله crash course عال matriculation فيه يفوت على الجامعة. بالآخر فات بس كان شغله السياسي كثير اكثر من الدرس، اجاه اول warning (تحذير) واجاه ثاني warning وبعدين شحطوه. قال ايه كل الناس بيعرفوني بحط صندوق بيويا وبقعد على باب الـ AUB وبمسح صرامي، قلت له فريد كبير عقلك، الماما عم تشتغل حتى تقدر تعلمك، بقي حط عقلك براسك، منك ولد صغير بقي. قدم شوف وين بيقبلوك بالزراعة، هو كان بلش زراعة. اجاه قبول بالهند وبالمانيا، قال الهند انكليزي بروح على الهند، قلت له الهند بعيدة، بتروح على المانيا وانا باعملك crash course بالالمانى. قعدته، وجبت، كان عندن برنامج كثير منيح بالغوته انستيتوت. جبت كتب الغوته انستيتوت وعملتله كراش كورس بالالمانى. قلت له هلق بتقعد، قبل ما تفتح الجامعة بتروح بتكفي هنك (غير واضح) الماني وبتفوت على جامعة وهيك صار فات على جامعة بون وطلع بدكتوراه PhD (ضحكت) قلت له هيدا الفضل لي

ديما: وهو يوم عرسك كانوا اهلك معتقلين.

ن.س.ي.: ايه

ديما: كيف كان احساسك؟ كنت عم تفكري فيهن طول الوقت او؟

00:38:58- ن.س.ي.: كان بيبي توفي والماما بقيت هنك حتى تقدر تخالص الاوراق وتجي. (صمت) ما بتذكر كيف كان احساسي بس بتفكر كنت هلق مبسوطه اني اتزوج (ضحكت). بتعرفي وكنت صغيرة، هلق معك حق تسألني هالسؤال بس ان وقتها كنت هلق مبسوطه اني، (صمت) ما بتذكر اذا كنت افكرت باهلي او ما افكرت

ديما: وعشتي ببشامون؟

00:39:44- ن.س.ي.: براس بيروت

ديما: اوكي. مش اول بيت؟

00:39:50- ن.س.ي.: ببشامون هيدا كان ضيعة زوجي، ابراهيم من بشامون، وكان في بيت العيلة ببشامون بقي كنا نطلع بالصيف على بشامون، بس عشت براس بيروت، احسن شي ببشامون الدروز بقاقوا، (ضحكت) كنا نطلع بالصيف خالد وميا ولادي كانوا صغار مرة ميا بتقلي ماما ليكي القرقة عم بتقاقي (ضحكت) شو ضحكت اوام بيلقط الولد (ضحكت)، بشامون كنا نطلع هيك مرات بالصيف، شهر شهرين، انت بتعرفها لبشامون؟ بتزهق ما فيها شي

ديما: صارت مدينة هلق تقريبا

00:40:36- ن.س.ي.: هلق، بس ايامها ما كان فيها شي، ضيعة بيتنا كان ع العين، واللي فايبت وطالع يفوت لعنا، هلق نقلوا العين وشالوا العين، بيتنا كان عالعين وبيت قديم وحلو بقناطر وجنية كبيرة قدامها، والفايت والرايح يفتح الباب، وكانت بنت عمته لبراهيم، ست عفيفة، اهلا وسهلا تعوا تعوا بتعرفي الضيع كيف، قعدنا ببشامون شهر بالصيف وبس، وكنت عايشة براس بيروت.

ديما: بتذكر اول مظاهرة رحتي عليها، او اول فترة بلشتي تروحي على مظاهرات؟

00:41:25- ن.س.ي.: كنت بعدني بالكوليج بروستانت، وهون بقدر انفتاح الفرنسيين ايامها، هلق ما بعرف

ديما: كنت عم تعلمي ما هيك؟

00:41:29- ن.س.ي.: كنت عم علم واشتركت بمظاهرة. اولاً هنى عارفين اني انا انحبست بسبب مظاهرة

ديما: شو هي المظاهرة كانت؟

00:41:40- ن.س.ي.: كانت لحقوق المرأة، كنت بعدي عم عم بمدرسة الاميركان، عم عم بال—شو كان اسمها المدرسة American Girls College—ودخلت بهل المظاهرة لحقوق المرأة، اوف، ما وسعهم عقلم الاميركان. انحسبت جمعيتين، وضهرت. بس الفرنسية ما كتير مهمم اخدونني بعدين. بس الاميركان قالوا لي au revoir et merci، فدخلت عل كوليج بروتستانت. فهيدي كنت اول مظاهرة كانت لحقوق المرأة. لك يا عمي حقوق المرأة، وقتها ما كان في، لا إلنا حق نصوت ولا إلنا حق ننتخب، ما عنا شي

ديما: بالخمسينات يعني؟

00:42:40- ن.س.ي.: سنة الف وتسع مية و (صمت)، بفتكر 50 هيك شي. المشكلة بس ما بتذكر كتير (ضحكت)، بتذكر الاكل اللي كانوا يجبولنا اياه

ديما: شوربة او عدس؟

00:42:56- ن.س.ي.: هيك شي، بخلقين كبير وكاسات نسكب وناكل وخبز، بس بما انه كنا بوطه كلنا بسبب المظاهرة لحقوق المرأة، كانوا حاطينا وحدنا، مش مع محابيس تانيين، وبالتالي ما تعرفنا على محبوسات، فعلا محبوسات لاسباب اخرى

ديما: بس ما خفتي؟

00:43:29- ن.س.ي.: لا أنا ما بخاف، من شو بدي خاف، عم دافع عن حقوقي (ضحكت)

ديما: أوقات بتخايل بتخافي على اهلك شو عم يفكروا او يكون مشغول بالهم او عايلتك؟

00:43:40- ن.ي.ي.: زوجي كان كتير فخور وامي ما بعرف. بس بعرف انه خالتي اللي كانت برجوازية برجوازية برجوازية، وقت ما شغلوني بالكوليج راحت تحتج، بنتها كانت بالكوليج: كيف بتجيبوا وحدة كانت بالحبس، وبتتظاهر وبتعلمها. لويز فيغمان، كانت وقتها الرئيسة (غير واضح) صرمايتها العتيقة (ضحكت)، قالت لها نحنا بهمنا الانسان يكون انسان منيح ومعلمة منيحة، وهونيك رايح ما خصنا، بتتصورني خالتي، راحت تحتج

ديما: وقت يكون في افلام عن الحبوس، بيكون في ناس عم يغنوا مع بعض، كان في هيك شي (ضحكت)، ناس عم يغنوا مع بعض او عم ياكلوا مع بعض

00:44:44- ن.س.ي.: بالحبس؟ وقتها لا، قلت لك كانوا حاطينا لخالنا سوي، لأ ما احتكينا بمحابيس، بسبب اجرام او بسبب، هو لانهم حسوا انهم غطوا على شو نحبسهم هودي (ضحكت) هيدي الدولة

ديما: مين كان رئيس وقتها بتتذكري

00:45:16- ن.س.ي.: سنة 49- 50 مين كان رئيس جمهورية؟ كميل شمعون

ديما: مش بالسستينات؟

00:45:34- ن.س.ي.: لأ، خليني اتأكد، كنت عم عم عند الاميركان وبعدين نقلت على كوليج وقت ما انحسبت كنت عند الاميركان وطلعت بعدين لانه محتاجيني كانوا خلوني، بعدين نقلت على الكوليج، كانت سنة الـ 50 بفتكر كان كميل شمعون، ولا لأ؟ كان بشارة الخوري؟ ما بتذكر. لانه بتذكر سنة 52 كانوا بدهم يجددوا وقامت القيامة واجا وقتها كان كميل شمعون، بـ 49 كان وقتها بشارة الخوري بفتكر

ديما: اجا فؤاد شهاب بـ 52 كمان

00:46:42- ن.س.ي.: الله يرحم أيام فؤاد شهاب، احسن رئيس جمهورية اجا

ديما: حبسوا حدا غيرك، حبسوا مجموعة؟

00:46:49- ن.س.ي.: ايه كنا مجموعة، غير طلعوهم بعد جمعة بس انا وغيري بعد جمعيتين

ديما: ما كان عندكم واسطة

00:47:00- ن.س.ي.: اي واسطة (ضحكت) كان عمري 21 سنة 22 سنة لا عندي واسطة ولا حدا بيعرفني (ضحكت) بس الدولة بتعرفني، طلعا فوج بعد اسبوع وفوج ثاني بعد اسبوعين انا كنت باللي بعد اسبوعين هيدي اول مظاهرة. بعدين لما كنت بالكوليج، كنت بنقابة المعلمين، فكل ما يكون في اضراب حمسهم عل الاضراب، المديرية ما عمرها قالت شي، بلشت قدر انا وقتها الفرنسية بقولوا الحرية والمساواة هيدي fraternite- liberte- egalite، هيدي ايامها، هلق ما بعرف. كل ما يكون في دعوة للاضراب، قلمهم يضربوا ونضرب بالمدرسة، ما انه يضربوا لاشيا نحنا عنا اياها بالمدرسة، تقلي المديرية عندكم هيدي الحقوق، قلها ايه بس غيرنا ما عنده، اذا ما في تضامن بين المدارس، كيف راح، بالواقع بفضل هالاضرابات عملوا قانون للمدارس الخاصة، ما كان في قانون، فانا كل عمري مشاغبة (ضحكت) مشاغبة بطريقة ايجابية لحقوق،

ديما: تدخلوا ناس من عيلتك وزوجك وقت كنتي؟

00:48:53- ن.س.ي.: شوفي زوجي ما بعمره كان ضد بس هو كان كتير انسان مسالم، يعني اهي كان يأيد هالاشيا كلها بس ما كان ينزل بالمظاهرات، هو طبيعته هيك، مسالم (ضحكت)

ديما: المظاهرات كانت عنيفة مثلا كنتوا تعيطوا تكسروا؟

00:49:15- ن.س.ي.: يعني مثلا وقت ما كنت بالـ LAU خطفوا لنا اساتذة وقت ما طلعت موجة ضد الاميركان وكانوا 7 لا كانوا 4 وقتها واحد هندي ما خصوا باميركا. خطفوهم، فعملنا مظاهرة من LAU تيرجعوهم، من كل عقلنا انه حزب الله راح يرد علينا ويرجعهم. طبعنا عملنا مظاهرات وتاني مظاهرة وتالت مظاهرة، ساعتها الـ LAU ما كانت ضد لانه هيدي حق اساتذة من زملائنا اخدوهم، بس بقيت اتظاهر لآخر حياتي (ضحكت). وبعدين اه، وقت ما كانوا السوريين محتلين هون

وسنة 75 لما قتله الحريري وقامت المظاهرات حرية واستقلال، هو هو، كل يوم انزل، كنا هون بيرمانا، كان عندي سيارة، انزل بهالسيارة ونرفع هالا اعلام اللبنانية حرية، استقلال. (ضحكت) يعني بقيت لآخر ما قدرت، هلق خلص اجري تعبوا، لأ لآخر ما كنت اقدر اتظاهر كنت اتظاهر. كل ما حس انه قضية بتمسني، قضية انسانية او وطنية اتظاهر. ابراهيم لأ كان كثير مسالم مع انه بأيد هالاشيا، كلها وما كان ضد ابدا

ديما: ما حدا قلك انت امرأة ما لازم تتظاهري وهيكي ابدأ؟

00:50:56- ن.س.ي.: لأ، قلت لك انا تربيت بيت ما في تفرقة، ما في فرق بين الصبي والبنت، بالعكس (ضحكت) لانه كنت شاطرة كان ابي كثير معي. وانا بقول لحسن حظي يمكن ربيت بهيك جو وما بفتكر في من جيلي ربيوا بهيك جو ديما: ايه، كنتي تعرفي بنات ربيوا بغير جون كانت اكثر بصرامة اكثر ربيوا؟

00:51:36- ن.س.ي.: مثلاً كان في وحدة رفيقتي، كانت بدها تكفي دراستها الجامعية ما خلوها. وحدة تانية تزوجت وبعد ما كبروا ولادها بدها تفوت عالجامعة ما قبل زوجها. انا ما عمري ما واجهت هيكي شي، بالعكس. انا كنت مزوجة وعندي ولاد و ابراهيم يا حرام، بتعرفي لما الواحد يحضر MA و PhD في سهر ليالي بالمكتبة وبالبيت، بقعد بالبيت، يا ابراهيم ضهار، ابدأ، انا قاعدة عم اكتب، وهو قاعد عم يقرأ. بالعكس ما بعمري حسيت شي ضد المرأة بالعكس كان كله تشجيع لي كامرأة

ديما: كمعلمة كنتي تعرفي تلاميذك على شو في صراعات بالعالم، كنتي تخليهم يخرطوا اكثر بالسياسة وبالقضايا؟

00:52:53- ن.س.ي.: سياسة لأ، لا لا، ما بعمري خليتهم يدخلوا بالسياسة. ولكن، المرة الوحيدة لما كنت اتظاهر وانا عم علم، قلم عم اتظاهر لحقوقنا، كنساء او حقوقنا كمعلمين مش قضية سياسة، قضية حق، اللي المفروض يكون عنا اياه بس ما عنا ياه. كنت التلاميذ حاكيهم باشيا غير الدرس. (ضحكت) كنت روح ارقص، وانا بالصف كثير جدية، يعني بتذكر شغلة صارت، بالليل كان في محل كثير حلو اسم le cave du roi، قبل ما تخلفي، (ضحكت) كنا نروح انا وزوجي نرقص هنيك ويكون في تلاميذ، لانه تلاميذ الكوليج بروتستانت كانوا تو بيروت يعني، اسمعهم عم يقولوا مدام يارد عم ترقص، مدام يارد عم ترقص (ضحكت) بقي من هالناحية شافوا في ناحية غير الجدية بالدرس والتدريس، بتذكر انه كنت درس صفوف بكالوريا، في سنة من السنين اجت لعندي تلميذة صارت وزيرة، ليلى الصلح. فانت قعدت بالصف، انا وعم اعطي الدرس وبعدين خلص الدرس، اجت قالت لي بتعرفي مدام هيدي اول مرة بحياتي بسمع الدرس من اوله لآخره، قلت لها (ضحكت) بشركك على هالمديح فكنت كمعلمة كثير شاطرة، وبالتالي كنت اجذب التلاميذ للعربي وخصوصي العربي كان bete noir مثل ما بقولوا الفرنسية، كل الولاد بيكرهوا العربي، بينما انا بعشق العربي وحببتهم بالعربي بتذكر ايامها كانوا الكوليج كانوا كثير مفرجين البنات، سرسق وبسترس ومدري شو، بتذكر اول سنة بالبكالوريا كنت درس ادبي، انا قلت لهم يا عمي انتوا بدي علمكم لغة، مش ادب ونقد، بتقوم وحدة من بيت سرسق، بنقلي مدام صرلنا 13 سنة عم نتعلم لغة وما تعلمنا، جربي بالادب قلتها او كي، وحياتك ما خلصت السنة إلا اللي ما كان يكتبوا جملة سليمة صاروا يكتبوا، وهيدي سرسق اللي ما بحياتها ما سمعت كلمة عربي بالبيت تكتب لي اشيا ادبي اقرها لبراهيم، عجيبة، فتعلمت، هيدي كما كتبتها بمذكراتي انا تعلمت من تلاميذي قد ما علمتهم او يمكن اكثر، من هيدي الناحية، هيدا مثل زهقتي؟ (ضحكت)

ديما: لا لا بالعكس بالعكس، ليه بتعتدي الحق على المدارس انه التلاميذ بيكرهوا العربي؟

00:56:00- ن.س.ي.: الحق بالاول على اللي بعلموا عربي، بعلموا عربي مثل ما كانوا بالعصور الوسطى يعلموا عربي، يا عمي علموهم شي حلو، علموهم جمال هاللغة، هيدا رأيي، اللي بعلم عربي مانو خرج، بعدين شوفي مش بس العربي، اجمالاً اللي بعلموا لانه ما بيلاقوا وظيفة تانية، لو لاقوا شي، لانه التعليم ما دخلوا كثير قليل، ما بيدفعوا، هلق انا حظي، انه زوجي كان مهندس وانا عم علم لانه بحب التعليم وبتذكر الناس بطلعوا في ويقولوا حرام زوجها مش قادر يعيشها (ضحكت) وانا اضرب على راسي، هيدي نظرة المجتمع المتخلف عنا اولاً، انه التعليم للناس اللي ما قادرين يعيشوا من غير التعليم، ثانياً وبالتالي مين بعلم ومين بعلم عربي، اللي فاشل بكل شي، بالتالي ما بهمهم، هلق طبعاً دايماً في شواذ للقاعدة، ما عم بدعي كل اللي بعلموا عربي هيكي، ابدأ، بس بوجه الاجمال انا بلاقي انه كره الولاد للعربي هو جايي من طرق تعليم العربي واللي بعلموا عربي

ديما: مين من الكاتبات اللبنانيات اللي بيكتبوا بالعربي بتحببهم اكثر شي— او عربيات فينا نقول؟

00:57:47- ن.س.ي.: في وحدة، بحب كذب الهن، مش كل شي كتبه. في وحدة ما كنت اعرفها ابدأ، كتب كتاب بورترية للنيسان اسمها رينه الحايك، قصص قصيرة، شو عجبني، بقوم انا بكتب مراجعة بالحياة لهل الكتاب، لا بعرفها ولا بتعرفني، بالعادة بلبنان طيلي لطبلك، وزمر لي تزمرك، وراحت الايام، كنت بالـ AUB بالمراجع عم فتش على شي، عزة بيضون بنقلي نازك، اسم نازك مش كثير مألوف، شاب هنيك بنقلي انت نازك سابا يارد، بقول له ايه، بنقلي بيبي رينه الحايك بدها تشركك على النقد اللي عملته لكتابها، قلت له الكتاب كثير حلو، وبدها تتعرف عليك (ضحكت) طبعاً لا تعرفت علي ولا تعرفت عليها، راحت الايام واجت الايام، دعوني احكي بالكوليج بروتستانت على ما بتذكر على شو، يمكن على كتب من كنتي، مين هنيك رينه الحايك، عم تعلم عربي، بتعرفيها؟

ديما: لا

00:59:11- ن.س.ي.: اجت عرفنتي على حالها والخ هيدي، بعدين كتبت اشيا اقل قيمة، مين كمان؟ في سمر يزبك بحب كتابها في، خليني جيب الكتاب، لانه ما بتذكر الاسامي، بس فوتي معي عالا-- بس انا هيدا اللي عم يضاقتي، ذاكرتي صايرة مش صفر، تحت الصفر

ديما: (ضحكت)

00:59:51- ن.س.ي.: انت سألتيني عن كتابات ام عن كتاب؟

ديما: كتابات

1:00:02- ن.س.ي.: بتعرفي 4/3 ، كل كتبي، كان عندي شي 20 الف كتاب، بخششتن، حمارة

ديما: (ضحكت)

1:00:16- ن.س.ي.: اه رشا الأمير، كتابها يوم الدين احلى كتاب قرينه. عن الشيخ وبنت عم تاخذ عنده دروس دين، وبينغرموا ببعض. بس كثير كثير حلو، رشا الأمير. هيدي لبنانية رشا الأمير، هي اسمها كوكب سليم، بس بيها كان محسن سليم محامي كثير شهير، غيرت اسمها، مين عندي كتابات كثير بحبهم، علوية الصبح "مريم الحكايا" كثير حلو، هودي كلهن نساء، حنان الشيخ عندها كتاب حلو، اللي هو سيرة امها، شو اسم كتابها لحنان الشيخ؟ مريم الحكايا

ديما: مريم الحكايا لعلوية الصبح ما هيك؟

1:01:47- ن.س.ي.: مطبوط لعلوية الصبح، لكن كتاب حنان الشيخ، شو اسمه تبع سيرة امها اللي كثير حلو، "حكايتي شرح يطول"

ديما: بتحبي مي زيادة؟

1:02:21- ن.س.ي.: بأيامها كانت مهمة، خلص بتعرفي لما الواحد يقرأ اشيا انكتبت من 100 سنة، بلاقيها شوي (ضحكت)

ديما: بتحبي رضوى عاشور؟

1:02:33- ن.س.ي.: ايه بس رضوى عاشور، مش بكل شي، بس هيدي مش لبنانية

ديما: ايه مصرية اكيد

1:02:42- ن.س.ي.: بدك حدا بعد؟

ديما: عم شوف مكرمة من السبيل كان؟

1:02:54- ن.س.ي.: من السبيل، ومن اندريه لحد، هيدي ما بعرف ليه، كانت مرت رئيس الجمهورية، وكرموني، عندي تكريم من انطلياس بس حاطتها برا، مش هون، وعندي تكريم من الهيئة اللبنانية لكتب الاولاد وهيك بتعرفي بالنهاية

ديما: لا حلو التكريم

1:03:21- ن.س.ي.: بحس عم يقدرنا اللي عم اكتبه، وخلص وبعد وما موت بخمس سنين، بكونوا نسيوا مين نازك سابا يارد (ضحكت) مع لي، كله رايح، إلا اذا كان الواحد من صنف ابو العلاء المعري، والمتنبي او كي

ديما: مين من اللي بيشتغلوا على حقوق المرأة، اثر فيكي من زمان لهلق؟

1:03:51- ن.س.ي.: الله يرحمها كانت لور مغيزل، كانت اهم وحدة، (ضحكت)

ديما: كان عندك علاقة صداقة معها؟

1:04:02- ن.س.ي.: ايه ايه كنت كثير بحبها وهي تحبني وتحترمني، وقت يكون في مؤتمرات عن حقوق المرأة تدعيني لاحكي، لور مغيزل اكثر وحدة

ديما: فتي بشي منظمة او شي معها؟

1:04:19- ن.س.ي.: لأ، بتعرفي هلقد كان عندي شغل، كتب عم حضر PhD وعم علم وداخلي بمهرجانات بعلبك (ضحكت) وباحثات

ديما: وام

1:04:31- ن.س.ي.: وام لثلاث ولاد وعم اكتب

ديما: (ضحكت) بتتذكري كيف فتي على باحثات؟ من قلك نفوتي؟

1:04:42- ن.س.ي.: ايه بتذكر انه كان في منى اميوني، كما توفت حرام كانت استاذة بالـ AUB وعن طريق الـ AUB، وعلمت لها بناتها، قالت لي ليكي نازك انا عضو باحثات، ليه ما بتفوتي باحثات، قلت لها ما عندي مانع، بس شو بدهم، قالو لي بدهم هيك وهيك، طبعا كانت تنطبق عليّ انه عندي مؤلفات وعندي وعندي، فاشتركت بابحاث. بعد مدة طويلة منى تضايقت منهم ما بعرف ليه، كان في شغلة، بتعرفي دايم في احتكاك بالناس، تضايقت منى وانسحبت وبعدين مرضت وتوفت، انا بقيت، مع انه في كتار تركوا، وفي جداد اجوا، بس انا وقت ما بلتزم بشغلة بالآخر، طيب في اشيا ما بتعجبني او كي، طيب الكمال لله، وبمشيها، فهيدا سبب دخولي باحثات

ديما: علاقتك فيهم كانت صداقتك او بس professional؟

1:05:57- ن.س.ي.: في منهم صداقات مثلا في فادية حطيط، وعزة بيضون، ايه صداقات مثلا وقت ما عملوا لي تكريم في انطلياس من شهرين، فادية حطيط حكيت عني وكانت كلمة كثير كثير حلوة، اكثر من ما بستاهل، عزة كانت مضطرة تسافر، تركت الكلمة اللي كاتبها وقرأتها مود اصطفان، مثلا مود كانت تلميذتي بالكوليج وصارت صديقتي بابحاث، في صداقة بس مش كثير، يمكن عزة وفادية ومود اكثر من غيرهم

ديما: قلت لي دايم في احتكاكات، انت كشخص كيف بتتعامل مع الاحتكاكات والـ tensions (توترات) وقت يكونوا بمجموعة؟ بطئشي او بتفلي؟

1:07:01- ن.س.ي.: بطئش. بقول انه الحقيقة ما في شي ببستاهل الواحد يحتد ويخاصم، ما في شي ببستاهل. وهلقد بحبهم وهلقد عزيزين عليّ بصرف النظر عن كونهم اصدقائي او غير اصدقائي. بقول بكل البلاد العربية ما في تجمع نساء بابحاث

غيرنا، كرمال شي بلا طعمة بدنا نفرط او اترك، لأ، لا بترك ولا منفرط، بقى انا بقاية وكثير بحترم هالباقيين، كباحثات اياً كانت. دخلك الواحد بيختلف مع زوجه، وبيختلف مع امه، ما راح يختلف مع ناس تانيين، يعني أنا "بصهين" مثل ما بقولوا المصاروي.

ديما: بعد عندي 3 سوالات في واحد مع عم يترك لي راسي، كيف كانت ايامك بالقاهرة، كانت اول مرة بتروحي فيها على القاهرة؟

11:08:11- ن.س.ي.: مش اول مرة بروح فيها عالقاهرة بس، بتعجب كيف اهلي بعنوني، كان عمر 16 سنة، لاني أقيت صفين بالمدرسة، كان عمري 16 سنة ورحت على بلد ما يعرف بها حدا وما يعرفها، كان لي عمه ساكنة هنيك، وبعث ابي تلغراف لعمتي يلاقوني على المطار، على القطار، وصلت على محطة القاهرة، ما في حدا، الظاهر التلغرام ما وصلهم، ما في حدا، وحدة ست، شوفي هون هو نيتي الطيبة، هو الله ما بعرف، ست كانت معي بالقطار، قالت لي ما اجوا، قلت لها لا ما بعرف حدا، قالت لي طيب تعي معي على البيت، ومنطلع اسمهم ومنتلفن لهم، رحت معها على البيت، لا يعرفها، كان ممكن تكون مين ما كان، رحت معها على البيت (ضحكت) ومن هنيك تلفنت لعمتي واجوا على بيتها ولقيوني، طيب غريب كان ممكن تكون مين ما كان، بعدين رحت كم يوم عند عمتي لانه كان في بيت للطالبات، اتصلت وحضروا لي مكات قعدت فيه ببيت الطالبات، وبعدين بدي روح على الجامعة، بدي سجل انه انا وصلت، وجامعة القاهرة ايامها كانت جامعة فؤاد الاول فيها 25 الف طالب، طويلة عريضة، رحت بس بتعرفي كان عندي يومها، كان عندي شجاعة، شجاعة اعلم اشيا قدرها مهمة، فرحت وسجلت الخ، بعد منها اجا ابي ليشوف شو بيقدر يعمل قلت له بابا كل شي خالص سجلت وكله تمام وبيت الطالبات.

20:10:11- ن.س.ي.: سنة الـ 48 وقت ما علفت حرب فلسطين، كانوا كتار فلسطينية تاركين للقاهرة، لمصر، على الحدود بسبنا وقوهم وحطوهم بمخيمات، منهم اختي . اختي كانت رايحة تقدم امتحان لندن متركيوليشين لانه بفلسطين التغت كل الامتحانات ولكن قالوا لها فيكي تقدمي بالقاهرة، قالت لهم عال عندي اختي بالقاهرة بروح لعندها. اخذوها معهم. وشوفي الصدف. ابراهيم وقتها كان خطيبي بس، واحد صاحبه بيشتغل مع اللاجنين اجا لعنده قال له في بين هاللاجنين بنت صبية صغيرة عمرها 17- 18 سنة لحالها، ويتقول انه عندها اخت بالقاهرة واسمها نازك سابا يارد—نازك سابا-- بي هيدي خطيبي مين هي، منى سابا، هلق بدي طلعت منى، طيب شو في اعلم قالوا لي ما في غير وزير الحربية، كانت وقتها حرب الـ 48، ما في غير وزير الحربية، العمى مين بيوصل لوزير الحربية، كتبت مكتوب ورحت على وزارة الحربية (ضحكت) شفت السكرتير، قال لي من حضرتك قلت له فلانة، بس جايي شوف معالي الوزير، هيدا قال مدري مين بضرها، وانا مافي بضرها حدا غير خيال صحراء، قال لي تفضلي ارتاحي، ارتحت، بعد شي ساعة، ساعة ونص، قال تفضلي، فتت، اطلع في، انت ما فيكي تتخلي وزير الحربية بمصر ايام الملك فاروق، كنا بعدنا ايام الملك فاروق، فت واعطيت الورقة وقلت له هيك هيك حكايتي، اطلع في هيك (ضحكت) جايي هيك من الباب للطاقة، نادى للسكرتير وكتب على الورقة يُنفذ حالاً، وحياتك تاني يوم كانت اختي طالعة، وكيف طلعت ما بعرف (ضحكت) طلعتا، من يومها عندي هل جرة لاشيا بتعبرها كثير ضروية، بعملها، هيدي قصتي

ديما: كم سنة عشتي بالقاهرة؟

13:13:11- ن.س.ي.: خمس سنين لانه اربع سنين لاخذت الليسانس وبما اني ما قادرة اترك القاهرة ما عندي باسبور رسمي، علمت سنة، وقتها قرر ابراهيم انه بدنا نجي على لبنان حتى نتزوج هون، ساعتها لانه علمت سنة جيت ورقة انه راح ارجع علمت سمحوا لي اترك القاهرة وارجع، كذبت شو بدي اعلم (ضحكت) كذبة بيضا (ضحكت)

ديما: من وقتها حسيتي على حالك انك بتحيي التعليم، من وقت ما كنتي بمصر؟

46:13:11- ن.س.ي.: لأ، لانه خلوني علم بمصر ولاد صغار، وما حسيت في شي، بلشت وقت ما جيت هون وعلمت اول سنة عند الاميركان وعلمت ادب انكليزي وحسيت قديش خليتهم يجوا الادب الانكليزي مع انه مش اختصاصي، حسيت انه في عندي ميل للتعليم وتعرفي ولادي، تلاتتهم كثير شاطرين كمعلمين، هني مهندسين تلاتتهم بس في فترة علموا بكلية الهندسة بس كانوا ناجحين، هيدي موهبة من الله، ما بعرف من شور بتجي هالموهبة مثل اي موهبة تانية.

ديما: عملتي صداقات اكيد بالقاهرة؟

38:14:11- ن.س.ي.: مبلأ، عملت صداقات، بس انقطعت الصداقات، مثلاً في وحدة اسمها سمية مسلم من اصل فلسطيني كمان وساكنة بالمنصورة ورحت على بيتها بالمنصورة، بعدين كان في المصريات اللي ساكنين مش بعيد عن بيت الطالبات، كان عندي صداقات كثير بالقاهرة، مع مصاروي وغير مصاروي بس انقطعت العلاقة لانه جيت لهون وتزوجت وجبت ولاد صار عالم تاني وما كان ايامها في ايميل تنبعت ايميل، خلص انقطعت العلاقات، ما بعرف اذا بعدهم عايشين او لأ

ديما: كان عندك وقتها نشاط سياسي او لأ؟

34:15:11- ن.س.ي.: لأ، ابدأ، بس دراسة

ديما: ما كنت تحكي بالقضية الفلسطينية؟

47:15:11- ن.س.ي.: معلوم ورحت اجمع مصاري كمان، معقول الواحد بيتخلي عن اصله

ديما: كان عندك نشاط يعني

15:52-1 ن.س.ي.: ايه، نشاط بس مش سياسي، نشاط سمية اللي بدك اياه، كان في حملة تبرعات لفلسطين، اشتركت فيها ورحت اجمع تبرعات بالطرقات لفلسطين. بس بصفتي مش مصرية، اذا اشتركت باي نشاط سياسي مصري، بيقدروا بكل سهولة يضبونني بالحبس، مش هيدا السبب، السبب انه ما حسيت بانتماء سياسي، هيديك الايام، انا انتمائي لفلسطين وتجميع المصاري للفلسطينيين، هيدا اللي عملته بس غير هيك لأ

ديما: لنجي للحاضر، شو علاقتك بولادك هلق؟

16:51-1 ن.س.ي.: (ضحكت) ما حدا منهم هون، اميرك وكندا، وحدة بالاخر تركت اميركا وقاعدة بمالطا، يعني بدنا نقول العلاقة منيحة بس بشوفهم مرة بالنسة، جمعة زمان ان كترت جمعتين، بس بقول الحمدالله في سكايب، بحكي معهم ع سكايب، كنت روح كل سنة على اميركا وشوفهم، حتى قررت شركات التأمين انه ما بقى بأمنوني لانه انا تخطيت الـ 85 هني بأمنوا لـ 80 او 85، قلت لهم والخيارية بينكبوا يعني، قال هيدا القانون، ما خلّيت ولا شركة تأمين، هلق لاني مسافرة جمعة زمان على كرواتيا، تلفنت لشركة تأمين قلّتهم انا مأمنة هون يا عمي مددولي اياها، لأ بدك تاخدي special travel، بسنك ما منأمن (ضحكت) قلّتهم طيب اذا صار لي شي هنيك، لا سمح الله، بدفع وبجيب الفواتير، قال ايه ادفعي وجيبي الفواتير وهون بيدفعوا لك الحساب، قلت لهم هيدا اللي بدي اياه، الواحد بدو تأمين هو وعمره عشرين سنة؟ لا بدوا تأمين بأخرته، بس انا هون مأمنة لآخر حياتي

ديما: وكأم كنتي صارمة وابراهيم كان صارم معهم؟

18:34-1 ن.س.ي.: ابراهيم كان هلق مشغول بشغله، انا كنت معهم اكثر من ابراهيم، بس كنت ام صارمة ايه، وابراهيم كان صارم، مرة بتذكر ميا كان في حركة طلابية وبدها تروح مع الطلاب فتح لها الباب وقلها يوم ما بتروحي ما بترجعي، طالما انا عم اصرف عليك انا اللي بقول شو بتعملي، (ضحكت) ما راحتن ايه كان صارم، كنا كثير صارمين مع ولادنا لحس الحظ لانه طلّعوا رجال بالاخر، طلّع منهم شي

ديما: كان يساعدك تهتم فيهم او كمان كان مشغول

19:24-1 ن.س.ي.: كان يساعدني لما كانوا صغار ايه، يعني ايه كان اب كثير منيح وزوج كثير منيح، وقت ما كبروا سوي، صرب سافر لحالي، مرات البلاد اللي هو مأكس عليها ما بدو يروح عليها، روسيا بتروحي عليها لحالك مثلا، البلاد العربية بتروحي لحالك، طهران رحت لحالي، بس ما يهमे كان كثير عقله واسع كثير كثير الله يرحمه، ما بفنكر، قلال الرجال اللي مثله، هيدا كما كنت محظوظة بزواجي وبولادي وبأهلي، انا بلاقي انه الحظ لعب دور كثير كبير بحياتي، الحظ المنيح يعني

ديما: كان في حدا يجي يساعدك، مرا، حدا؟

20:31-1 ن.س.ي.: ايه ايه طبعا، لانه كنت علم، بعدين ولادي هني وصغار، كمان كنت محظوظة (ضحكت) في بنت لبنانية كان اسمها خزون بتعرفي الضيع، بعدين سميهاها إلين، سألتها شو بتحبي قال إلين، قعدت عندي 60 سنة، يعني خالد ابني الكبير كان عمره 3 شهور، لما اجت إلين وبعدين عملت عملية ورك من خمس سنين وكنت بالمستشفى، طلعت عند الجارة قالت لها مدام دنيز انا حاسي وجع، تلفنت لي انا كنت بالمستشفى، ميا جاي تشوفي، قلت لها ميا هلق بتتركي وبتأخديها على اقرب مستشفى، ماتت بكريزة قلب بـ 3 ايام، انا بقول انا بعمرى ما كنت امراض، شافنتي بالمستشفى خافت، من الخوف، يفنكر انه شو راح يصير فيها اذا صار لي شي، اجتها كرزبة قلب وبحياتها ما كان اجها القلب، وتوفت حرام إلين. ولما خلّصت العملية رحت على بحنس حتى يعملو لي اعادة تأهيل، ما في حدا بالبيت، وانا هنيك بتلفن لوحدة صاحبتني نبيلة دروبي بتعرفيها؟ هي نبيلة صعب من الشويات، قلت لها نبيلة ما بعرف شو بدي اعمل، قالت لي في واحد جاب لي وحدة كثير منيحة اثيوبية بس، تلفني له، تلفنت له، طلّع هو درزي ونبيلة درزية، (ضحكت) شوفي كيف بتصير الاشيا، قال لي عندي وحدة منيحة بس لو ما كانت مدام دروبي، ما كنت بعطيك اياها، قلت له مدام دروبي صاحبتني من ايام الخبز، ولادنا ربيوا سوا، قال لي طيب، كنت بعدين بالمستشف، اجت هيدي مع وحدة تانية--

ديما: شو اسمها؟

22:51-1 ن.س.ي.: ايفتو، بدي احكي معها وهيديك كل الوقت عم تحكي معها، قلت لها بليز بتراجكي خليني احكي مع البنات لاعرف شو بدها وشو ما بدها، وما كان عندي خيار، هو قال لي كثير منيحة ولو ما كنت صاحبة مدام دروبي ما كنت ببعنك اياها، قلت له اوكي، فبقى كنت بعدين بالمستشفى وميا اجت، استلمتها ميا وتدلها على البيت، وشو تعمل وشو ما تعمل، بقى وقت ضهرت من المستشفى كانت معتبرة انه الـ boss ميا انا لأ، قلت لها (ضحكت) تعذبت معها بالاول، بعدين قلّتها ليكي حبيبتني هيدي بنتي اجت لانه كنت بالمستشفى، بس انا اللي هون مش ميا (ضحكت) لا مشي حالها بعدين، صار لها عندي خمس سنين

ديما: اوكي كمان بعنقد العمر، ويكونوا صغار

23:53-1 ن.س.ي.: هيدي مغامراتي

ديما: (ضحكت)، آخر سؤال، كيف بتقضي يومك هالايام؟

24:01-1 ن.س.ي.: بقرأ كثير وبتكتب مثلا لانه الناس هينتهم بطلوا يعرفوا عربي بهالبلد، هلق وحدة رفيقتي كاتبي كتاب بالانكليزي، بعنت لي هو مترجم to proof read، لو بتعتيلي اياه كنت ترجمتك اياه اضبط، عم صلحه. ووحدة تانية هي استاذة بجامعة البلمند وطلابها عاملين مقابلات مع نساء لبنانيات علموا بالعراق، قلت لها هيدا الموضوع بهمني، قالت طيب راح ابعتلك المقابلات وبتكتني لي اياهم قلت لها اوكي، فاجوا كلهن فرد وقت، هلق بلشت عم صلح المترجم وبعدين بشتغل

على هيديك فعندي، بعدين عندي طبعاً باحثات، وعندى مسرحيات لانه كثير بحب المسرح ما بّفوت مسرحية وبروح على، حفلات موسيقية قليل اذا كانت محرزة، قلة ما في شي محرز، بس اكثر شي مسرحيات وسينما وبكتب وبقراً وبسمع موسيقى بالبيت

ديما: مين بتسمعي؟

1:25:20- ن.س.ي.: classical music (موسيقى كلاسيكية)، باخ خصوصي، وبعدين بتهوفن وموزار، بس باخ كثير بحب باخ

ديما: نحنا خلصنا بس في شي ذكرى ما حكينا عنها؟ كان بتحبي تحكيني عنها؟

1:25:40- ن.س.ي.: شو

ديما: في شي ذكرى، شي قصة؟

1:25:42- ن.س.ي.: حكيتك كثير قصص

ديما: ايه بس اذا في شي حابي تحكي عنه، مثلاً بالحرب كيف عشتي الحرب؟

1:25:51- ن.س.ي.: بالحرب كنت قاعدة ببير حسن، ببيت من جهة الاسرائيلة عم يقصفونا بالبواخير، ومن جهة السوريين عم يقصفونا بالهدا، ومن جهة الفلسطينية بكامبيتن (مخيماتهم) وببير حسن كان بين الكل، بتعرفي وين السفارة الكويتية؟ كنت هنك حد منها، هيدا صار بدو كتاب، كيف عشت الحرب. بتعرفي ما في دكاكين هنك، واصحاب الاملاك كلهم فلوا وتركوا بوابينهم، بلا اكل وبلا ما يسألوا عنهم. وبقينا انا وابراهيم، وائل كان بعده بالبيت بس وائل كان عنده تمرين بالمانيا، الحمد الله مش موجود، مع انه بفترة كان موجود، لانه كان يوقف يتفرج على الاسرائيلية، قول له يا وائل رجاع بقلي live action، شو live action، شو لايف أكشن؟ يا حبيبي رجاع. بالآخر بس تهدأ شوي حط حالي بالسيارة وانزل على راس بيروت تأشترى اكل لهالبوايين ولإلنا. مرة وبعدين، ال defence تبع ال PhD عملتها بهالفترة، تلفنو لي من ال AUB قال له لي ال defence تبعك، قلت لهم انتو مش عايشين ببير حسن، انا عايشة ببير حسن، عندي اسرائيلية وسوريين وفلسطينية عم يضربوا، اذا قدرت اوصل بوصل، وسكرت الخط، الخميس الصبح بتذكر راقت شوي، ضبيت هل PhD وقلت له لابراهيم خاليني روح وكان عندي سيارة فولسفاكن صغيرة، رحت وصلت على تقاطع هلق كل المعالم تغيرت، كان في محل اسمه Edin rock (ايدن روك)، وصلت على تقاطع هنك وقفوني فلسطينية مسلحين، قالوا شو اسمك، قلتهم نازك يارد، قال له شو بتقول اسمها، قال له نازك حامد، اسم مسلم، درزي، مش مسيحي، قال له طيب مشيها، وصلت على راس بيروت، ساعتها نمت عن ناس اصحابي هنك وتاني نهار رحت عل defence، ما تسأليني كيف كان ال defence ولا كيف جاوبت، عقلي كان، وخلصنا. هلق بدى ارجع، قلت يا بنت لحقتي وجيتي اشترى شوي خضرا وغراض للبيت. وانا راجعة وطالعة بطلعت سان سيمون-- سان ميشال، وقفوني السوريين، وبين رايحة قلت له رايحة على بيتي وجايبي اكل لولادي لانه هون مثل ما انتو شايفين ما في دكاكين، قالوا لي وين بيتك دليتهم، قلت لهم هون بيتي، طيب امشي، رحت. خطوفي، مرة تانية -

1:19:26- ن.س.ي.: لانه قصصي بالحرب كثيرة كثيرة، لاني ما تركت المنطقة ببير حسن، ولا تركت لبنان، مع انه كل الناس تركوا، ما بقى حدا يهتم باعطاء الاكل للبوايين غيري انا

ديما: مين خطفك؟

1:29:46- ن.س.ي.: كنا ببير حسن ومنى اميوني باليرزة ساكنة، وتوفي زوج بنتها، قلت لابراهيم، وكانوا اول يوم فاتحين الطريق من مار مخايل، كانت الطرقات مسكرة، قلت له ابراهيم بدى روح عزّي منى، قال لي نازك بعدهم شي فاتحين الطريق، قلت له ولو بطلع، وهو بيعرف انه انا وقت ما بدى شغلي بعملها، والسما زرقا بدى اعملها، حملت حالي بهالفولسفاكن، وطلعت عالييرزة وعزيت. وانا راجعة على تقاطع مار مخايل في جيش لبناني وجيش مسلم كانوا مقسومين وقتها، مرقت على اول واحد قال لي هويتك، وتاني واحد هويتك، ما لحقت اوصل على تقاطع الشياح بيهجم عليّ 2 مسلحين وقال له وين رايحتن قلت لهم شو بدكم، قال مدام وبين رايحة، هويتك، قلتهم لا كنت لاحظت انا وراجعة في مخفر جيش لا مخفر درك، ركبت arriere ورجعت، وبلشوا يقصوا بالهوا، لوصلت طلوعوا دركية، سمعوا القواس، طلوعوا، قال خير يا ست، قلتهم ما بعرف في مسلحين عم يقصوا عليّ ما بعرف شو بدهم، طيب تفضلي، بدل ما يشوفوهم هني، شافوني انا، حطيت السيارة، وقتت معهم قال هويتك وراقك الخ، شي عشر دقائق حققوا معي، بعدين تفضلي خلص، ضهرت، السيارة بعدها بس ما في طريق تانية، هيدي الطريق الوحيدة اللي بقدر اخدها، ركبت بالسيارة ورحت، كانوا على التقاطع، حاطين دبابة لما اقدر اقطع، قلت لهم اللي بدكم اياه، هون بالطريق، انا ما بعرفكم وما بتعرفوني، واحد بقول للتاني، نادي الرئيس اجا واحد تاني طلع بالسيارة وحط الفرد (المسدس) بخصري وقال لي هلق بتمشي (ضحكت) اخ الفرد بخصري ما في مجال للعنتريات مشيت، هيدي الاشيا بتهمك؟

ديما: ايه اكيد

1:32:25- ن.س.ي.: مشيت، فوتني بالزوايب بالخيبري، ما بعرف وين، وصلنا على بناية، وقفي هون، وقتت تفضلي، تقضلت طلعت معه بناية، فاضية ما فيها شي، فتننا على اوضة (غرفة) كلها سلاح وصورة مش نبيه بري، حدا قبل منه، ما بعرف الخميني مدري مين، وراقك، اعطيتوا وراقي، شاف اني مسيحية من الهوية، قال لي انت ليه هربت من شبانا، نحنا المنطقة كلها مسيحية ما عنا شي ضدكم، مني لاني مسيحية، انا قدرت انه بدهم يسرقوا سيارتي واناما عندي غير هيدي السيارة تأشغل وروح على شغلي وارجع، قال شو بتشغلي، قلت له انا بعلم، شو بتعلمي؟ الحمد الله ادب عربي، واو صار

بدو يفرجيني براعته انه هو متقف، قال لي مين بتحبي بالادب العربي، قلت له بحب بدر شاكر السياب، بحب كمان هيدا الشاعر الفلسطيني محمود درويش، قال لي هيتتك وطنية، قلت له الوطنية لناس وناس لأ، لانه انا مسيحية بطلت وطنية، انا وطنية ونص كمان ساعتها ارتاح شوي، قال لي طيب وين ساكني، قلت له هون بالمنطقة، وانا محتاجة سيارتي لروح على شغل وارجع من الشغل بس، قال لي اعطينا رقم تلفونك اذا احتجتني شي، قلت له اخي، ما راح تجو تعملوا لي زيارة وانا هون الحمدالله كثير مرتاحة ومش محتاجة لشي وخلص ضميري مرتاح لا انا بالسياسة ولا انا بالطائفية ولا شي انا مهنتي اني علم وخلص، قال لي طيب مثل ما بتريدي، واجا، فنجان قهوة، قلت له لا شكرا بدي روح على البيت بكون انشغل بالهم لاني ما رجعت، نزل وصلني عالسيارة، السيارة بعدها واقفة، ركبت ورحت على بيت، بس وصلت بالسيارة بلشت ركابي (ترجف) كيف اجتني هالجرأة، اني أوحا بهالشكل. وصلت عل بيت، فتحت لي الخادمة، ست نازك شو بكى؟ قلت لها اسكتي خطفوني (ضحكت) المهم ارجعت بالسلامة هيدا المهم. يعني عندي مغامرات من هالنوع لانه ما تركت بالحرب ولا تركت المنطقة وتربيت بجو اللي ما عندي فرق بين الاديان ولا بين الطوائف، على صرمايتي العتيقة هيدي كلها، بحس مرتاحة مع مين ما كان، وين ما كان، شو بعد بدي خبرك (ضحكت)

ديما: ما طلعتوا عل جبل وقت الحرب؟ في ناس طلعتوا على جبل وقت الحرب

1-35:37- ن.س.ي.: لا لا بقينا ببير حسن، مشكلة تانية، كانت البننت اللي عندي مريضة واخذتها على AUB وكنا بالحرب وناظرين الحكيم تيشوفها، بفوت واحد مسلح ومعه مرا، وقعد: شو هيدا نيظرين ساعتين! قلت له ليك سكوت، كتر خير الله، انه خليتوا شي حكيم بهالبلد، هججتوا كل شي في حكما، بعنترياتكم. هيدا قالك مدري مين في بظهرها (ضحكت) لبد وسكت وقعد، ايه يعني وقت ما بحس انه معي حق ما بخاف، وهيم بدي احكيلك قصص كثير (ضحكت)

ديما: كان في نسوان يحملوا سلاح كمان وهيك، بتعرفي؟

1-36:29- ن.س.ي.: لأ ما بعرف حدا بيحمل سلاح. بس عندي علاقات، عندي مشاحنات مع مسلحين، مرة كنت ضاهرة من الجامعة واحد فرخ هالقد 14- 13 سنة مسلح، بوقفني قلت له ليك، اصغر من ولادي انت، روح انقبر من وجي، انت وسلاحك، ان ما بتخوفني، راح (ضحكت). وفعلا ما بخاف، وما بعرف هبي غريزة اني ما بخاف او لاني، مواقف بحس انه الحق معي اياً كان مش ضدي او الحظ ما بعرف يمكن الحظ (ضحكت). في شي كمان تاني؟

ديما: انا خلصوا سولاتي

ن.س.ي.: خلص؟

ديما: خلص